

涇

東

小

藁

葉文莊公集序

葉文莊公集卷帙同而名異

其曰水東葉者卷四諸

中參政為都御史巡撫

曰開封紀行葉者為公

南而作曰葉竹堂葉者在廣東西

葉撫而作曰涇葉葉者為禮吏



部侍郎而作詩則以次彙錄文則
計體而分皆公手自編定而總之
曰文莊集者則其子貢士晨所名
蓋將為天下道而不敢以私集視
也予嘗讀而論之曰公之文博取
深詣而得諸歐陽文忠公者為多
公雖未嘗自言然觀其紆餘委備

詳而不厭要知為歐學也夫歐之
學蘇文忠公謂其學者皆知以通
經學古為高救時行道為賢犯顏
敢諫為忠蓋其在天下不徒以文
重也後之為歐文者未得其紆餘
而先陷於緩弱未得其委備而已
失之齟齬以為怕患文之難亦有

如此者苟得其文而不得其所以
為重天下且猶輕之而况乎兩失
之者哉公學勤好古而志切濟時
其在

朝廷敷陳獻替多見采納在藩鎮威
惠並行在部曹清鑒雅操始終不
貳其或違志拂意不克自盡則歛

戲譽戲若宥已而不能已者然則
得於歐學也顧不已多而况文哉
今之論者無問可不可文必歸之
翰林政必推之法家執議如此則
其勢不容以不判若持法守律又
能以經術為根柢以文章為藻飾
為天下重者獨非人之所難哉

國朝文臣得謚為文其著者翰林之
外惟吳文恪公訥魏文靖公驥姚
文敏公夔及公要諸當世誠不可
謂易得予生也晚所接見者不過
一二人公於我蒙翁岳公為知己
故雖不敢知公而獲接言論得其
大者凡所以為公計不上為當世

道也。因以貢士之請為序。公諱盛
字與中。別號及菴。所著有奏諭錄
及水東日記。則其家所藏。故不載
云。

弘治己酉十一月望日

賜進士出身左春坊左庶子兼翰林

院侍講學士

經筵官兼脩

國史長沙李東陽序

涇東小蘂卷之一

詩

清明馬上作

須頃一隊出山城
漫漫塵埃有送迎
忽見塚

換土

始知今日是清明
艷菴為漢陽王某作

土蝠乞芒知為誰
薊城南去問茅茨
主人抱道谷中隱
猶子讀書天下奇
無口未須論李沆
有情直欲慕宣尼
濟川才調從來少
莫戀衡門負

聖時

送王主事三首

曉鏡承宣幕出關萬人供饗盡開顏夷蕃遠遁歸
皇武又見前茅奏凱還

盛年科甲主曹司雅製仍看五色絲韓子有言君記取
須憑古道論文辭

晤語還城一月過醉思惟欲破蓬婆朝端相識多相念
莫說霜毛比舊多

陪諸公禱雨題城隍廟壁

滄烟凍柳廟門西
焚香散馬蹄
但得人間無旱歲
不妨來聽鷓鴣啼

大旱中報齋息口占

請得天瓢手自操
帶間仍欲佩霜刀
除禿抹旱平生志

莫使傍人咲我曹

總戎言禱雨詩并應詩以紀之

處々顰眉說旱年
由來精禱動皇天
著耕樓上間登眺
一向青連萬頃田

誰言天遠不容攀
只在人心咫尺間
猶記午前焦渴處
南山飛雨過東山

寄朱希論三首

君滯儒官歲月侵
共嗟當路少知音
共呼一紙匡時疏
遠過長楊與上林

災傘高張坤軸搖
問從西晉到東遼
故山南去知何似
有便書來慰渴焦

且時地震久旱

記得殘冬辱寄聲書回今是半年程一關咫尺猶如此
河况前時萬里行

檢項彥輝寄文炎火

故人知我文衰頽昔寄湯陰艾葉來兩火著人七已病
歡顏一日幾回開

尚寶楊兄見借揭文奉柬三絕

楊雄宅畔一書成五十年前我未生鄉里斯文頗雕落

寒窓開卷不勝情借鈔揭文奉寧朱先生之仲子教諭
素安先生去年九十二歲卒于崑山

多君高誼過交親千里懸心念病身只恐庸醫誤投藥

方書無惜寄來頻

近聞書卷不曾拋上直歸時午未交更有閒人在山後

遠從間處借書鈔

園亭午坐

小園幽亭曲徑通風光多在画闌東山當會意連延碧
花為娛人宛轉紅四海只今皆莫枕十年真是類飄蓬
人生只在尋真樂化育深恩處、同

遣興

斗室深、不浣塵坐來風物與時新雀辨檐外亂聒耳
草樹一名觀音蓮又名蓮階前高過人萬卷潛心真可樂
一杯入手未為貧雲中況是烽烟息有幸棲遲託此身
七月二十七日西路大雨電

宣府尋常事科斂官田 勅下不復見官田外有公務

田百須從此皆充羨今年久旱何堪、風沙為灾苗半
塵更當七月二十七雹如雷鼓來空中一方遭雹誰畏
火萬全順聖興寧口苗摧實落踰全災乍報全災八十
畝我欲問雹、不知吁嗟天意知何為此實或幾解戶
屬此苗不是園中葵自古天災本人事我則忝居巡撫
使側身思咎敢回循中夜無眠作愁思今年科歛或如
初明年闢種又何如嘗聞愛人是天意天豈忍此窮糶
后門雹、不存問天、不語人心默相與天如有意必
降殃園中之鹿園中羊

賑老詩

八月初二日

皇明古虞周養老頻奉

詔有司敢弗虔人、樂熙皞

維茲上谷塞積歲亨征討禮教定未遑屯戍恒不飽丁
亥秋月判河外間戎幕亦有貂璫貴相將赴庠校街衢
詫傍人婆娑見諸老或眉長疏、或髮白皓、或臉炫
稜頰或鬢刷柔縞或喬松其姿或野鶴其貌或爰臂曾
射或針鼻善醜或恂、寡默或喃、語告或殘形而蹙
或眇目而眇或若勸思睡或若健欲跳或須杖倚立或
必幼肩抱或乃冠乃衣或不鞵不帽就中許和者武公
齒則紹目病起弗^能云、乃其媪長吏備賑給產物視
豐耗而適嚴上丁有事在清廟來牟新升者囊括負群
養帛繒雜多端擎奉色鮮好

德意既敷宣受授如重寶授者色敬恭受者生忻咲南

瞻蒼龍闕拜稽仍舞蹈感激會風雲歡謠徹晴昊庭
乃官長官長加慰勞此輩情劇真語質無媚竈謝別論
堂前後先禮門道親交相扶携兒女紛從導或額洪武
治或指開平漕或曰大夫賢或曰驕子暴或論絳縣年
或為智伯悞或曰尔將智或曰我不肖或尚堪擬李或
亡踰任趙或曰貴詩書或曰世韃鞬或矜廉頗飯或遜
石碻堯或曰惡可戒或曰善可好或語口多吃或行首
歷梓或陸賈多男或童烏早歿或曰息若斯吾汝何以
報汝為臣當忠汝為子當孝或欲生捐軀或甘死結草
當此風日佳胡兒况馬劇威事破天荒太平觀其北觀
者千萬人咸言眼中少極知繪畫難紀述員可了但願

國今年、年此城堡邊惟美風俗閭閻振枯槁治道永
隆平高出百王表作詩紀
上德魏、復浩：

聞宮保學易王公得請致政歸鹽山盛南北叨
忝使命公皆預薦此外見諸薦牘者又凡六
然此特區、一人之私耳公之德望行業不
在是也謹成小詩四章致頌美之意云

五朝留一老今日始歸歟報主身垂盡據忠意有餘威
名知草木恩信及豚魚海內行蹤徧誰從次茅書
輜車方絡繹白髮已鬢髮盛德三師亞清風五嶺南人
誰笑司馬我獨慕曹叅不出都城者惟應有面慙

同輩見何人封章乞退頻官進身已倦時事日方新面
目冰霜冷心胸雨露春諸公儻此意再使俗還淳
官居辱過臨薦草重披尋霽月光風趣高山流水音斯
文今寂寞吾道豈消沉一為蒼生惜臨風鬱素心

九月二十日禮部上任因憶甲申歲肄朝適是
日也

九月廿日是何日一為關北一南宮若非合是三年數
那待遭逢此日同

送霽參議赴浙江

伯珎參議在兩浙榮行過余言別作近體一
首送之兼簡司中張廬二兄云

故家只在禁垣東，冰玉丰姿錦繡胸。
獻納幾年聲價重，旬宣一面渥恩濃。
天寒古道輕千里，雪盡遙山見兩峯。
想得同僚懽聚處，碧幢紅旆影重重。

送楊顯爵訓導赴荊州

顯爵楊先生，赴荊州府學訓導，任于於楊契
好父，且以為治教有相須之義，故作詩送之。
親被榮除日，下來藍田。又見出瓊瑰詩書舊講青箱學。
官府新聞絳帳臺，不葉漸從湖上積。鴈聲偏向月中哀。
荆襄前日創痍甚，太守何人是治才。

送馮參議還廣西

又綱參議將還廣西，來別顧惟瀉江之上，蓋

多舊游者焉故於贈言之未致區、意云

底用今朝惜解携
瑤林罷燕已東西
片時尊酒情非淺
萬里雲霄望不迷
薊北雪深征騎疾
湘南春盡亂鶯啼
同官相見應相語

聖德如天聖壽齊

送滕汝明太學致仕還蘇州

吳中自昔入物淵
數四三年來立朝者可數
而諸老先生優游林下不勝其多
豈亦士風
廉節自昔而然歟
故於滕先生之歸臨別贈
言不能無所寓意焉耳

恩旨新從玉陛輝
雪中孤騎去遲遲
杜陵不忝名家子

韓愈何慚太學師白髮蒼顏同笑傲酒壺詩卷共追隨
傾城士女爭誇羨預想耆英赴會時

戊子賀正早起言懷

耳前燕北總吾貪今歲容臺又一慚况復問年知古々
不教開徑作三々吾君堯舜心徒在我輩丘軻學未堪
受盡寵恩渾未報敢言衰病懶朝參

正月十二日南天門導駕書事

道上風沙數日餘夜來輕雪落徐徐

吾皇獨得天心愛不使纖埃近屬車

步輦纒停望泰壇手揮黃纒卻中官侍臣識得

君王意對越蒼々敢自安

金中監椿萱堂

君不見堂前椿輪固百尺留青春君不見堂北萱花
 鵲味風翻：控侯孫子朝鮮彦韶璫許在黃金殿椿萱
 望極海東頭已分無緣得相見九重一日承恩褒朝鮮
 國主多勲勞手持龍節渡遼水從此椿萱光價高君親
 兩得之公私亦兼舉不知千載間誰曾此遭遇感激天
 恩不可當小臣親壽定無疆願隨鴨綠東流去總入
 君二萬壽觴吁嗟椿與萱人云木與草地又天長豈能
 保何以壽之長不老家世相傳爾忠孝家世相傳尔忠

擬元宵應

制是夜

百丈鰲峰火樹張，乍圓華月共蒼蒼。旌旂下汝瓊杯露，
絲管清含寶殿香。御府珠璣攢繡黻，玉堂星斗煥文章。
君王一點光明燭，直照斯民及萬方。

送尹經歷覺還寧波

蓮花幕下艷春羅，報政重來共玉珂。歸路肯辭千里遠，
論交應是十年過。山鄉雨歇楊梅熟，海戶船回石首多。
見說疲民望甦息，郡中公事莫蹉跎。

題張司業廬鴈

芙蓉歌芳江菼蒼，寒雲踈雨汀渚之旁。陽鳥翻、
不雜其侶，優哉游哉，樂此棲處。不有增繳，亦無虞羅。
緜稻梁，既足他復奚希。物亦有命，各安厥居，為鷓為

風懿彼天衢

張司業德馨堂

華襟相傳自醴陵
祁陽况復見趨庭
百年喬木秋雲綠
十里澄湖暮雨青
張老固應誇善頌
劉郎何用著新銘
請看大學賢孫子
親得君王聽講經

送鄭太僕赴南京

幾年南國詠駟駟
華秩新遷荷寵靈
瑣闥異時曾我識
雞歌今日有誰聽
舟維淮水兼天白
座擁鍾山過雨青
仰止先賢亦嘉政
莫教荒却醉翁亭

送王副使朝遠之廷綏

廣聲直節動鑾坡
綉斧巡行學處過
此日始看垂赤綬

清風先已過黃河關中父老征輸苦塞下胡兒種落多
忠烈久聞遺廟在煩君為報近如何慶陽廟中舊有文正公像刻不知存否

顏總戎鎮朔巡邊圖

子威總兵有鎮朔巡邊圖往年嘗以求於予
未暇也近復携來南宮予於朔陞亦相識者
又於是為作長句云

鎮朔軍熊席姿以布府宏開當北陞太平

天子日無事正此邊巡間暇時維時夏初迫春暮塞草
青，出邊土行人貂裘且為備礮底層冰尚多迓東方
雷動毛龍嘶前驅早已度磨笄塞塞健士三千輩繡錦

攢風一色齊金符玉勅黃封厚高絰仍看印如斗令器
人馬不敢譁寐、柴門走雞狗狼山道側青嵯峨山風
不搖媯汨波最惜年時傷早曠邊戶其如疲苦何行、
壯觀多奇絕萬疊百庸塞積鐵奮身直欲俯危巔看取
鴻濛古時雪黃金宮闕望中深 四陵劍舄重雲陰中
天白日照肝膽清泪滿頤愁寸心結髮從戎今白首祇
事 明廷亦云久北門樞筦裨區、欲報隆恩我何有
馳驅肯辭行路難槍竿又復望長安酒酣叱咤出關去
啁啾鬼哭悽風酸穹廬亂點牛羊道咲指胡雛眼中飽
殺氣高連獨石斜天聲震落三山小六丁一夜屠腥臊
血波曉漲龍門濤下勞障前真意氣稍試新頒金字袍

群然衆山臨絕境野鶻野狐非一姓萬國車書保障中
此鄉原蹄虞臺嶺虞臺西出又尋蕪處濃香開野花
亭堡重脩不知數時來借問耕人家楚漢區事德戰
皇家作畿甸幾度揚鏃下蔚州好事鄰生吁不見范
沙塞已塵清蕩輿圖仰盛明父老戴香朝出郭鼓
笳連路夜歸營由來上將先強識豈在論功在謀國干
戈不動四方寧萬歲千秋奉宸極

題金梅四首

大宗伯嚴郡姚公一日出金梅見視因書小
詩四章其上致祝頌之意蓋公廿年前託知

有素茲復得從公游所以承公之教甚至而
迂愚小子所以望公者亦甚深也且徃年在
京師見人家金梅小幅題者數十人各一
小絕皆消麗可誦因擬作十首舊稿散落悉
忘之矣僅能記憶其一并錄于後為公詞業
之助云詩曰暗香疎影和靖老黃面霜鬢
馬公心事一般模樣別任他人說不相同

向守宗伯瑩無瑕愛把黃金寫玉葩不是為他聞富貴
要令春色徧天涯

金鼎調羹未足誇千官當日聽宣麻太平有象無人見
獨立東風看此花

梅花萬樹玉為林家住桐江烟水尋草人誰云堪此德
平生金石是真心

橘頌曾同詠楚辭十年青眼荷相知此間若是吾家物
六月鎔金鑄子期

送黃溥憲使

諱詩何事久知名好是新書幾卷成今日宵衣勞
聖主此行推轂盡公卿孤颿近海潮初滿春酒還家菊
未英有志澄清先出海已聞群盜一時平

寄常州鄭僉憲先生

宦官白髮老林泉文字知名廿載前嗟我欲尋先世好
美公偏得子孫賢靜依盤石熏金鴨時對閒雲拂紙箋

中表有親貧到骨每勞青眼謬相憐

寄常州譚氏子弟

姑蘇西望接毘陵避地當時或見稱
五服已窮親尚在百年方盡事無憑
肯知壠樹重陰合愁絕官船獨夜乘
只把詩書作門戶從今爽葉看雲仍

送尚寶楊卿持節使懷慶

暫辭符璽下鑿坡水郭山村取次過
金冊壓雲隨玉節畫船搖月動銀河
愁聞早璫于今甚想見雕殘觸處多
更有魚齋孫子在懷賢問俗意如何

題画送方叅議還江西

廷臣叅議將還司先只來別予無以為贈

取杭僧宗華所画六逸圖贈之且為題數語
其上庶幾廷臣特此亦意不在畫也

勿、何事惜分違二十年前共瑣闥獻納也曾憐我拙
賢良已覺似君稀勤渠奉職無朝莫論列同心有是非
太息舊游多不見兩人相見掖垣扉從二科同官前

頻年每向西江過參議多才衆口誇萬斛秋租充上國
十分春色到貧家極知儉德祛流俗還喜儒風變迹選
此夜方舟臨別處送銀漢玉繩斜

此時無術愧悠悠又旱從春欲近秋

望三應祈三日雨疑日大雨潘臣頻解一方憂到官登

問徐蘇廟上道誰同李郭舟努力古人吾望子斷維艸

贈竹溪遊

謝張御醫至和

御醫恒齋張先生在天順中效勞最多人所
知也茲丙辰子疾已詩以謝之

名門兄弟擅吳中醫國于今見此翁三接頻繁勞
聖主一時聲價動諸公携來藥裹香連屋著就方書氣
吐虹最是吾家偏感德殘軀纔瘡又童蒙

不得考父鼎壽徐翁

君不見正考父盛德在躬誰敢任鼎成銘刻數十言為
言于今極終古兩耳三趾未足語毓聖生祥稱世家信
武一者必有後仁者之壽無津涯徐卿卓々毘陵士楚

楚賢郎今近侍甲子繞香七十春文章不數三千字處
暑將臨天乍涼賀容如雨登高望山珍海錯繁諸品晚
管繁絃嬌兩行一絨忽復來京國五色光華騰簡冊春
酒封遠寄將總是

君恩那報得人皆重父子君臣從可知卿家祿食人所
宜玉壺勸君、莫辭維卿蚤受詞林命又見五色春掩
鳳翥寫迴正未央人事由來出天定平生積善本無
心有取當時况牧金商周遞遷不足恃世代惟憑陰德
深小大重輕元有道秦漢區、論瑞寶從此知卿百不
廢教兒只說詩書好一門忠孝良足多重裊滿座童顏
醅五福駢集應無它應如南山如海波吁嗟饘粥柰渠

何

翠柏軒為安福壺溟東賦

當軒翠柏何年種老大偏承雨露滋底用工師苦相惜
材元不要人知

艷紫妖紅總媚時幾番開落任風吹蒼然此植誰知已
只有南山松樹枝

梁御史父壽詩

繡衣東平梁若出按南畿待便道歸省而其
太守尊翁方具慶無恙其樂可知也徵詩為
壽則固有喜談而樂述者焉

我元門地豈尋常况復清朝秉憲綱金紫銀青誇奕世

黃頰鶴髮共高堂情深壽酒懽無極榮及鄉邦倍有光
珍重此行推此志問闈隨處是台陽

送万淵思訓蒙城知縣

方有晚翠詩卷皆用友愛惜之言

誰在容臺作遠辭新除罕邑舊相知
滄中文獻蛟峰集海內交游晚翠詩自昔小民先撫愛于今大旱正傷咨
此行預為蒙城喜人有耕桑大有望

送徐汝陽御史兩考還南京

冠豸乘驄著繡衣頰年書最上應稀
雨中珂馬久將別江上帆檣客又歸
雲樹幾重鄉夢隔關河千里塞鴻飛
南都同事多才傑直道能言願不違

送龔彥中訓術致仕

文筆峰頭玉氣高，卿家兄弟總時髦。早終已負連枝會，
勇退今專一字褒。紅樹青山看送別，黃花綠酒恣遊遨。
鄉人若有朝端問，老大無成愧我曹。

送楊維新翰林歸省

禁拜 天恩出建章，賜衣猶帶御爐香。芙蓉露下秋如洗，
洗亮 前錦作行蘇軾弟兄聯。近侍蔡襄母子共高堂，
四明山水南中秀。此去從知倍有光。

竹莊讀書圖為龔彥中題

十里青山迤馬鞍，一溪晴碧下江湍。舍南舍北無他植，
只有篔簹千萬竿。

翹然伯仲擅鄉評，出處當時畫自名。五物誰言是能事，

家藏千卷正留情

沈菴高節望期頤未是尋常句讀師知有名門家學在
切磋不忘武公詩

震浦遙連馮馬涇讀書庄裏簡編青高門定繼于公後
三立森々已滿庭

其家菜竹有茅茨方伯難兄舊賦詩吾汝往來須莫厭
白頭它日共幽期

重送徐汝易

繡衣驄馬珊瑚鞭看君文采何翩翩
河梁話別未三月
大府論功今六年近郭好山碧於玉
邊淮遠樹青堆煙
歸途有懷須寄我莫惜使鴻雲錦箋

送項蓋臣副院固原總督之行

自古儒臣有將才六蕃子弟莫驚猜百年生聚

皇恩重一面招徠壽域開河內寇恂曾復借平燕王素

是重來行、挽取黃河水歸獻南山進賀盃

登壇授鉞下京都盡說威名世河無前代裴公白犀帶

我朝陳憲黑鬚軍儲正急三千里戰士猶嚴十萬夫

想得歸期是殘臘溥將春色淨邊隅

彭夫人李氏挽詩

作配元儉幾歲華每羞蘋葉到天家挽歌不盡 君臣

感忍見淒風白柰花板將行適 慈懿聖后二仙

閨闈光榮錦誥鮮褒詞今復慰三皇泉靈帟翼、勞藩使

歸墓迨換驛船

何人腸斷哭銘旌
懷惠當時咏小星
尤幸傳家有賢子
分明玉樹在階庭

管延枝先生挽詩

三十餘年別武昌
懷人魂夢繞滄浪
昔時黃鶴今何處
離思恰如愁思長

園亭猶記我頻過
城市山林柰尔何
見說墨池還似舊
不曾學雉學籠鶩

黃屯山下管家墳
典寶歸時掃白雲
行比林宗處石朽
不曰曾刻蔡邕文

送夏少卿同年赴南京

華國才能用世心
秋霜催得鬢毛侵
豪來不問黃金印
肯至偏工白雪吟
湖海十年緩覲面
風沙連日又分襟
南畿苦旱關天意
須識人神屬望深
聞是月早猶未解

五母壽詩

十月江南好風景
連宵寶婺為誰明
重錦誌天恩厚秩
華筵禮數并魚浦
龍洲傳勝事
賢孫貴子稱深情
還聞林下曾少喬雙壁相仍壽
女兒

送楊昶上舍歸省

蒼涼初日帝城東
長夜慈親在夢中
行李直趨文水
綠香花應待杏園紅
從來清白似家業
努力忠勤柳氏
風日務賢郎
是同舍更煩傳語
以情同

漳浦吳給事父母六十七壽詩

暫輟黃門下九天閩南萬里早誼傳 君臣際會恩榮

日父母齊登耳順年鳳篆龍章祇 帝命山珍海錯共

宵筵故家定有移忠訓莫遣來期過曉前

榮壽堂為工部主事張達母吳大安人賦

命書飛下九重城冠帔慈親荷寵榮眉壽此時當七十

江鄉明日是新政梅花開處尋常別竹葉傾來分外清

見說堂前森五桂一枝天上若為情

漳浦吳翁合壘挽詩孫主客員外郎森求

番翁媪老江村猶是先生古俗淳子舍不教新織廢

家庭惟有舊書存仙遊共跨雲邊鶴哀世難招石上魂

留得平時餘慶在清朝麟鳳見諸孫

送沈尊還成興州

行：謝別愁持贈有吳鉤祖德當知重邊防未可休寒
雲遠絕郵斷鴈出更樓漢將身多賤當時特拜侯

陳莊靖挽詩

葵廟拳，記姓名。今皇常日侍承明兩魁多士推豪

傑四海蒼生仰治平赫赫光榮誰可及悠悠旅夢自堪

驚公嘗謂盛日去年猶記頻相慰采些吟成不盡情却與人說

未都編了

重易朝退見賣菊株

元日無嘉節人應共獨留朝回皓頭看不必在階庭

題画送張御醫

恒齋張先生致仕南還作小詩五章自題画
素贈之兼致意養正老先生云

吳郡醫師尔最良弟兄三四畫名揚可憐鄰里稀相見
只識元方與季方

季方行色喜津、御藥房前得旨新此去特為鄉國賀
暫停醫國要醫民

元方白髮舊交知前日減書恨別離迂癖到今醫不得
參苓莫遣寄來遲

燕然越絕又京都貧病相兼柰老夫怪得南宮無一物
贈行惟有杏林圖

西風黃葉下庭柯
眼底交游苦未多
况復故人歸故里
滿懷離思不成歌

送趙縣丞三絕

民安俗阜古宣城
小邑今存大府名
八品郎官亦非小
須將實惠及蒼生

好山好水郭西東
多少疲癯在病中
休問木瓜紅線毯
紫毫只合寫民風
秋熱連朝陡作寒
紅亭綠酒別君難
依、不盡親交意
殘雪今宵兩地看

柯封君挽詞

行情停講院
章間底事賢
郎懷別嶺北
開書從前日到

南軒人去幾時還
墳開碧草秋
東門掩蒼苔
夕照間
此後更知多錫命
詞臣簪筆待里頒

東平道中次毛刑科韻

帝遣金陵兩月行
夕郎同載不勝清
倫材自是明堂用
端世還如綵鳳鳴
三白雪深憂國念
九重天遠愛君情
却慚老大無才力
虛負界兒百世名

利國監寄家信

代見入京使
緘書寄遠
愁冰霜隨駟騎
塵土暗貂裘
空有思鄉夢
能無為國憂
行程不必問
明日過徐州

龍潭夜酌東毛刑科

與君今夜宿龍潭
銀燭青尊倚莫酣
同是九重香案

吏遠將春色過江南

次韻荅高都御史

春入都門午夜晴
爐、執法向人明
羨君身似三株樹
共我才非萬里城
言路為時多奏績
曹司努力盡功名
還朝定奉鑿坡對
南國人、樂治平

正月五日雪後渡江作

群山玉立大江橫
殘雪新從昨夜晴
捧得天書何處去
片帆遙指石頭城

題金山寺泉石生涯卷後

予與都給事中四明之君弘
監察御史東平梁君觀刑部郎中
鷹潭陳君儼同登金山絕

瑣錄所謂泉石生涯卷者用書數語聊當
題名時成化五年二月廿二日也

黃門綉豸白雲司同閱江山一段奇我媿才非蘇禮部
不習玉帶只留詩

題瓊花卷後

成化五年二月廿四日子與都給事中四明
毛君弘監察御史安成劉君珩蜀郡溫君琮
建安江君沂同觀瓊花詩卷於道官於廈所
謾書絕句于卷亦將以請教於諸君云耳

云蕊何年事已賒
徒把八仙詩醴泉
芝草誰家物
未必人間無此花

題画

綠樹青山漾碧流
畫中風景似揚州
隔江明滅漁人火
出岸高低估客舟
去燕來鴻千古事
閒花野草一春愁
不知誰在紅塵外
獨向黃齋觀裏遊

清河舟中懷四弟

日落南風生
帆開稍充腹
客子窮遠眺
前途渺川陸
水闊魚欣天
清鴻肅念我
同氣人乍別
猶在目知催
寶應船或作淮陰宿

宿遷郭南雨中東毛刑科

清曉揚帆去似飛
黃昏聽雨坐
口噤眼前得失多
如此尊酒消愁願
弗違

用前韻答毛刑科

小詩三首奉答仍用前韻其一風雨本色其一自述其一用寬來意諒能悉察耳

步圮歌殘見鴈飛官船猶戀月中磯
時春酒同樽慶
吳說思家心事違

萱草青、鴈北飛當時應悔下漁磯
乞身早晚辭天去
綠服照翎額不違

石尤風急雨飛、暫逐漁郎過別磯
咫尺蓬窓如萬里
且談應與故人違

清明入城口號東萬侍郎長官

想得肩輿曉入城人云宗伯重清明
湏知此際南還者

也當山陵一度行

贈王士英侍郎

兵部侍郎長沙王公士英在景泰中予與今
都憲林公嘗以智謀出衆同奏薦之則於公
之去而來而復去不能無繫焉於中也因
詩以為贈云

年少才名動帝州江湖歲月嘆悠悠
重來此日息殊厚
暫去何人詔獨優作賦莫言湘水怨
者書寧為茂陵求
須知廿載相知者勲業無成也白頭

送主客易郎中赴辰州知府

惜旗亭醉玉觴
画船明發去
天陽淮山疊
翠春雲重

湖水增波夜雨香萬戶千門漆土古色五溪十洞被恩光
黃堂太守今誰是三會圖中舊自郎

送蔡琮知縣

金陵蔡琮氏父以相術著名近得貴溪知縣
來拜乞詩貴溪予舊所經也同并有以告之
貴溪上水如苔官棹頻年去復來君去牧民正
好將甘雨灑蒿萊

牋說雙瞳不住看直從塵土到金臺此行須為尋幽興
只恐山林有謝安

送徐庶子省親

朝上鵠立侍經帙 聖主恩深特賜歸楊柳遠迎金
詔

舞鳧驚晴逐画船飛百千新鏹誰能得七十雙親古
稀想見陞堂稱慶處春醪傾綠子鵞肥

秦母劉氏壽詩

誰能八十重閨門况復適逢未易論綵服華觴誇令子
黃扉烏府見諸孫清和時節風光好富貴人家禮意存
崔氏山南莫專美已將忠孝答深恩

晴竹為陳文曜御史題

文曜御史故內翰粹剛先生子吾同年憲使
外給君之姪也清才博學有守有為予識之
又矣一日持夏卿所惠墨君求題勉為作長
句書其上亦曰情焉耳矣詩云乎哉

奉常老鄉八十餘眼明寫竹如結書興來揮洒不停手
渭川淇澳知何如有時春風生箏十底亂葉飄瀟撲窓几
四山暖玉種初成一片綠雲飛不起有時思入湘江曲
夜雨瀟瀟、斷還續珮環何處夢難成尚懼孤眠聽不足
有時朔雪吹嚴寒萬水僵卧迴春難皇天厚土深意在
為誰出此青琅玕烟雪慘淡何為者四時一色清於瀉
業花蔓草千萬般敢不低頭拜東野有時逢人作晴意
此幅功成良不易皇英憲、南國情夷齊挺、西山志
巋然有物屹相向連日秋陰紫苔上貞姿秀色兩爭高
似與同心慳幽賞若人伊誰陳太丘本與此君皆等流
綉衣翻、霄漢立烏府潭、雨露優曾有嚴君居玉署

文采風流獨遭遇，滿身空翠禁闈中。想是當時受恩處，
么有孤標稱仲父。一道冰霜肅持斧，孝感祠前棠樹多。
遺愛至今誰敢侮，君不見萬玉潭草亭猶在隔烟嵐。名
家種德百年久，辭后國人能細談。又不見義溪水，它日
歸來弄清泚。森々頭角繞階庭，書香此去何時已。我亦
有家東海邊，倚々最憶山窓前。馳驅南北已廿載，容臺
尚尔虛名纏。何當一日尋休暇，徑造行軒看圖画。不須
大嚼只煎茶，從容共說鄉園話。

王宗貫侍郎父母挽詩

西園翁一生不出西園中，西園姬少壯勤渠見衰老。兩
人遺際不可當，看它存歿荷。恩光命書烜赫云殊絕。

卹典頻繁尚未央維子才華瓊玖攻聲名肯落諸公後
歌屬余最宜往時曾賦西函

送吳廷鑑興化知縣

草廬天下士異代見諸孫作宰新息重為儒舊業存魚
鹽湖口市篁竹寺前村此去鳴琴暇還應事討論

奉寄陳惟寅先生

解組歸來鬢已霜可堪秋雨石田荒無情歲月都成夢
有子冠纓不出鄉睡起亦忘詩卷裏間時常在墨池傍
河汾講下多房杜却笑迂愚負寵光

送蕭僕

蕭秀才陳情得請還江西臨行乞詩既有以

與之亦有以望之耳

莫道孤忠死即休
願陳肝膽上神州
乾坤萬里垂青眼
華袞三朝慰白頭
驥子鳳雛真美瑞
西山南浦送歸舟
不知誰刻成均集
常有虹光射斗牛

鰲溪歸樂詩為謝輔布政賦

鰲溪水碧連漪方泊
歸來事宜榮捧絲綸
新寵渥咲看花竹
舊襟期數千里內
遺民仰四十年中

聖主知更有門生
懷舊學玉堂天上
每題詩

夏亨運判輓詩子光祿署正環求

芹宮花縣政聲馳
又見醴司謝事歸
聞說能官何處是

一緘龍勅有餘輝

見說官閒公事少還將書冊待封侯

晚榮處士陳安挽詩彭可齋宮
得銘墓

去來住兩京半緣先壠半緣兄承恩盡說高年

事獨羨君家孝友情

兩京時從六龍飛閱盡丹平只布衣欲問故家尋往事

百年耆老見應稀

白髮仙翁去已賒二解文采動京華黃金買刻燕山玉

學士文章百代誇

時鍾保章祝詩子光祿署正濟求

往近龍河口紅雲墜翠華一官思報國五物是傳家正

切賢郎養俄興文夢嗟乞銘真可念拜聽哭哀麻

送趙昌郎中赴福建叅政

鳴鳳郎中為戶部屬者有年矣予嘗得其為人於少司徒關西楊公故於其出叅閩藩也

送之以詩

司徒清瑩大方家曾把卿才向客誇萬里扶搖看日下一迴參佐去天涯山村曉暗枕榔葉石磴晴薰茉莉花多少閩閩望甍息巡行莫駐使君車

題画 寧晉陸愉知縣求

蒼、古木石庚、畫史於君似有情此去須令吏民說
未同高潔石同貞

題董侍郎皇華倡和卷

刑部侍郎灑陰董公有使

楚時皇華倡和卷詩文若干皆中朝諸公又近
之作予以為初公奉使予方在闕北不得與
折柳之列於是借韻別作數語書之卷末庶
不失實且為同年情好彼此胥勸之一助云
耳

宴罷瓊林共玉珂當時意氣薄元和文才我媿三冬足
光價君惟十倍過周典每聞兼讖獄虞廷常得預賡歌
不須更咏皇華什青史勲名積漸多

送鮑鳳知縣

壽寧鮑尹者止友平陽州大黃門之子妙年

而有志於其赴官也士古其便於養母易於
俗而懼其以盤根錯節見疑也詩以遺之

一官辭我去京華忠孝相傳正尔誇絕漠游魂曾徇國
倚門華髮待還家萑蒲莫說當年事棠樹須開舊日花
百里隣封仍自惜幾人瘴毒在天涯

送李少卿本考滿還南京兼簡李爵同年

三年南國重清卿

天子多應記姓名引向三階承 聖語賜來綸誥為親
榮歸颿潞渚衝朝雨柱笏鍾山對晚晴夏子同年煩問
訊大常新志幾時成

次韻奉荅孫南溪先生見寄

款友能憐我書來別思牽湖田多歉歲慈母正高年綠
髮風霜改丹心日夜懸思深勞

聖主未即許南旋

送周主事父子還吳

封刑部主事吳郡周用文甫既入謝即欲南
還而其子良璧亦以養病暫歸得侍行予同
郡且鄰惜其去而豔其歸也詩以送之

西鄰橋梓每相親此別何日獨愴神老去得官同吏隱
病來辭瘴只清貧當壚綠酒家、熟滿擔黃花種、新
明到故園秋色裡可能時說未歸人

封工部尚書白公友諒沈詩

輜車曉發城南隅公卿出祖來以休之道傍過者問為誰
南宮老人八十餘老人平生與衆殊兩耳亂髮雪不梳
恩封三度拜

天子侍郎御史兼尚書老人未是居然老曾見
高皇見

文廟歷盡艱虞享太平只守寒家志與孝太平
天子今陶唐生兒為國死棟梁恩靈存歿不可當捐軀
結草那能忘老人應入太清之上從先皇

封左副都御史韓公貴挽詩

雅宜山頭白日西雅宜山下驚鳥啼韓家老父勅塋時
喪車轉、逐馬蹄親知者誰諸鉅公締誣之作聲淚、

問何能尔重此老八十高年三受封
明廷有子稱方
名萬里烟塵一時掃行人式此墓前碑上有推恩詔旨
開晴昊

趙武靖父母挽詩

濠梁趙侯從 皇祖想見當時儼
龍虎精爽還隨慶澤
存小兒能文大能武何處英雄百戰場
太平時節嘆云
已西風喬木深沉際藻繪重開忠孝堂
詩歌碩人貴家世士行截髮光前聞
千年事往不易見
賢哉趙母能超群玉堂學士三朝老
巨筆如椽寫哀抱
我來讀罷重嘆嗟滿地寒蟄温秋草

賜閭堂為王益夫太守題

聖主恩憐鶴髮翁，賜歸閒卧故山中。官從正統名先著，詩到堯州句轉工。金馬玉堂當日夢，黃冠野服古人風。同宗學士頻相過，想見清談興不窮。

送金璫廷振分水訓導

家住黃江上官移，淞水濱雲山常在。目茶筍足娛親士，有道經學門無過客塵。朝廷用儒雅，慎莫負青春。

保定見章氏三九弟

粉署薇垣總至親，黃堂況復燕嘉賓。翻嫌昔日彭城會，風雨瀟、只兩人。

擬贈章孟端先生一首

文闈高價重儒林，好是平生積德深。群從幾人先擢第，

五男三省已垂金龍鸞每受當時寵琴鶴應知舊日心
媿我未由陪杖屨耆英會裏重幽尋

定州老將

坐鎮中山二十年不知何處有烽烟萬株營柳含風細
一色池荷帶雨妍來往每瞻天上使笑談還倚郡中賢
獨憐未上麒麟閣點：霜華入鬢邊

過真定有感

行々又過鎮陽城十八年中一夢驚獲鹿西來山似簇
滹沱東下水如傾鶯花此日含頻咲魚鳥今朝識送迎
惟有故吾元不改丹心白髮駉書生

謁李衛公祠

曾於南廣謁靈祠清潞于今復見之血食自應垂永世
勳名何止冠當時間花野草春風在枯木寒鴉夕照遲
亦有殘碑寫西嶽摩挲不覺鬢成絲

潞城道中和陸郎中韻

金罍煌煌出帝城馬蹄隨處見郊迎君臣際會當今
日山水觀在此行衣覺流澌上合曉窺殘月樹邊
明馳驅不管頭如雪為喜親藩禮告成

行冊封禮畢燕藩王府正殿

封冊初成曉色寒五雲繚繞望長安酒行瑤席千鍾溢
歡動春城百戲攢藩府共遵周議禮明廷不數漢衣冠
承恩我亦何多幸一曲昇平欲和難

觀李秋谷平章賜像

太平黃閣共稱宜，預寫凌烟特賜時。
一代文章周孔學，五朝人物帝王師。
豈無孫子能繩武，應有神明為護持。
詞翰況兼程趙輩，百年喬木不勝思。

登真定大悲閣

有宋文銅像數

梵宇峯堯接，吳蒼乘閒來。此興茫々碧霄倚，瞰闌干曲
銀漢平鋪几。席傍忽見鳥飛窺，施食偶逢僧定坐。焚香
如和宋祖開基日，不把黃金鑄素王。
老禪留客重攀躋，風景由來總入題。遠水白連天上下，
好山青斷路東西。雲埋石鉢知龍蟄，月浸祇園見鶴棲。
我亦凭高欲歸去，帝鄉深處躡丹梯。

定州昆廬閣畫水

悠悠一水蕩晴漪絕藝相傳作者誰
筆翰尚能垂不朽天生靈物好尋思

喜雪詩

主上以苦旱之故在 齋宮久矣今日喜雪之瑞
豈曰偶然故為近體小詩一律以伸慶抃之
私成化六年新正月四日也

聖主精誠格 上天六花為瑞喜新年蒼生久渴來甦
望青帝潛回化育權和氣適當三日後懽聲已出萬人
前陳詩自有幽風在不用陽春郢客篇

王璠郎中母傳淋人挽詩

本是蟾蜍窟裏仙，偶來人世住年。翰林珠玉夫卿貴，
吏部才華令子賢。綵服纔存春已老，鏡臺塵掩月空圓。
不知太史書閨秀，名在前頭第幾篇。

壽章翁

南極壽意，紹素一方。前僉都御史，四明張式之。為其鄉之節菴翁，壽六十而作。今二十一年，翁且登八袞矣。春月之仲，十有三日，翁誕期也。翁之行，孫兵科給事中鎰，以此圖再加演，飾求余識之。予舊識翁而翁之為人，清脩雅尚，友愛之德，聞於遠近，是誠有足重焉者。遂作小詩五絕句，特書其上，并以為翁壽筵。

之備云成化六年正月十日

帝城、北啓芳筵壽此人間不老仙賀客謬誇年紀大
纔看八十太平年

為容京華歲月侵幾迴能得過家林白頭未是忘歸計
聖主恩深日夜心

犀擊象簡耀金緋美似諸郎世所稀更有奉觴賢給事
鑪香日、御前歸

教得兒孫到美官平生不作買書難今朝賀客叢中看
半是黃門半豸冠

二月東風吹酒香主人留客盡壺觴歸來踟遍街頭月
南極分明耿夜光

送王郎中歸省

廷珪郎中幼出後父族既貴以年勞受推
封之命矣此人所能而其能孝不衰於所生則
非流俗所可及也故特於其歸省榮行詩以
重之

少年郎署擅才名新拜 天恩畫錦行什襲青鳧多錫
齋兩家華髮盡光榮霜前林熟秋堪釀
泖上魚肥日可羹莫說故園私計好 明廷反獄望公卿

吳英靈臺父挽詩

衣冠二子稱名家老得恩封鬢已華一樣臨川人上月
昨宵清淚咽鳴笳

盡道狂瀾障莫回阿郎端不媿
雷轟素冠往傷流俗獨見終
素奏疏來

題畫蒼龍頭

從前開口奉絲綸屈指今過二十春
一管宣毫還好在不畫畫麒麟

送楊給事父子歸淮陰

南風歸路水增波父子催情此日多
白髮光榮新御初黃門聲價舊賢科
河魚入饌鄉人供豆酒分香賀客過
身說江淮傳盛事歸家畫錦待如何

李少卿母挽詩

姚女賢知李母賢蜀人相見謾相傳
不因司馬銘文在

寧識夫御是老泉

老泉二子母誰存獨見君家樹有萱生有連封歿有祭
人云華寵極天恩

戴進畫為林簡見題

錢唐老戴絕世無雙；人家看畫圖自言此幅不易得
夏珪馬遠真吾徒蒼然兩山屹相向穩卧虬龍勢千文
丁有飛泉噴玉虹白日喧；起濤浪石闌半倚莓苔青
兩翁為誰雙鬢星清談直窮點頭處餘子有耳那能聽
城中車馬紛如簇滿眼利名終未足丈夫出處貴有道
豈在區、萬鍾粟闕西公子廊廟人我本山林舊日貧
相逢一笑未能去且須對此娛心神

李工侍父母挽詩

春秋經學重當時一日成均賀得師
况是傳家有賢子忌封歸去鬢垂垂

羅浮山下記當年千兩鄉人葬老泉
又見司空下新命榮光直到海南邊

次韻荅洪文弼三絕

六年三廣昔無功贖有煩言亦至公
不似故人情更切一絨迢遞託南風

李及杭州任已終買來白集恐非公
後人更負前人愧十冊藥城得便風

白頭名利正愁儂林下于今獨見公
想得間來誰伴

只應明月與清風

涇東小葉卷之一